

Broj: 10-38-852-6/14.

Datum: 28.08.2014. godine

Na osnovu člana 14., stav 1., Zakona o kantonalnim ministarstvima i drugim tijelima kantonalne uprave - Prečišćeni tekst - („Službene novine Zeničko-dobojskog kantona“, broj:13/08, 3/10 i 6/12), a u vezi sa članom 49., Okvirnog zakona o visokom obrazovanju u BiH, („Službeni glasnik BiH“, broj: 59/07 i 59/09), člana 30. i 31. Zakona o visokom obrazovanju Zeničko-dobojskog kantona („Službene novine Zeničko-dobojskog kantona“, broj: 6/09, 9/13 i 13/13), te članom 17., Pravilnika o akreditaciji visokoškolskih ustanova na području Zeničko-dobojskog kantona, - („Službene novine Zeničko-dobojskog kantona“, broj: 4/12 i 13/13), postupajući po Zahtjevu visokoškolske ustanove JU „Univerzitet u Zenici“ iz Zenice, broj 01-108-011-2404/11 od 28.06.2011. godine, ministar Ministarstva za obrazovanje, nauku, kulturu i sport Zeničko-dobojskog kantona donosi:

RJEŠENJE

O AKREDITACIJI

visokoškolske ustanove JU „Univerzitet u Zenici“, Zenica

1. Potvrđuje se standard kvaliteta rada visokoškolske ustanove JU „Univerzitet u Zenici“, sa sjedištem u Zenici, ulica Fakultetska 3, Bosna i Hercegovina, a sve u skladu sa **Finalnim akreditacijskim izvješćem Komisije domaćih i međunarodnih stručnjaka za ocjenjivanje i reviziju kvaliteta i davanje preporuke o akreditaciji Univerziteta u Zenici, broj: 05-33-1-1-11/12., od 22.07.2014. godine**, koje se prilaže uz ovo rješenje i smatra njegovim sastavnim dijelom.
2. Rješenje o akreditaciji visokoškolske ustanove JU „Univerzitet u Zenici“, sa sjedištem u Zenici, ulica Fakultetska 3, Bosna i Hercegovina se izdaje 07.09.2014. godine, na period od četiri (4) godine i važi do 07.09.2018. god.
3. Visokoškolska ustanova JU „Univerzitet u Zenici“, će izraditi akcioni plan naknadnih aktivnosti koji sadrži vremenski okvir i nosioce za realizaciju preporuka za poboljšanje kvaliteta iz izvješća komisije te ga objaviti na svojoj web stranici. Jednom godišnje će na svojoj web stranici objaviti izvještaj o preduzetim aktivnostima na realizaciji akcionom plana.
4. Obavezuje se visokoškolska ustanova JU „Univerzitet u Zenici“, Zenica, da pokrene postupak za novu akreditaciju, najkasnije 12 mjeseci prije isteka utvrđenog roka u predhodnoj tački.
5. Rješenje stupa na snagu danom donošenja.

Obrazloženje

JU „Univerzitet u Zenici“, Zenica je 28.06.2011. godine uputio **Zahtjev za akreditaciju „Univerzitet u Zenici“**, broj: 01-108-011-2404/11 Ministarstvu za obrazovanje, nauku, kulturu i sport Zeničko-dobojskog kantona.

Postupajući po Zahtjevu, Ministarstvo za obrazovanje, nauku, kulturu i sport Zeničko-dobojskog kantona je utvrdilo da je na osnovu člana 61. Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“, broj 59/07) izdalo Rješenje o privremenoj akreditaciji 24.04.2009. godine, broj 10-38-4945-3/09. visokoškolskoj ustanovi JU Univerzitet u Zenici, a koja je osnovana *Odlukom Skupštine Zeničko-dobojskog kantona, broj: 01-222/2000 od 18.10.2000. godine* („Službene novine Zeničko-dobojskog kantona“, broj 16/00) i *Zakonom o Javnoj ustanovi Univerzitet u Zenici* („Službene novine Zeničko-dobojskog kantona“, broj 6/05, 11/06, 6/09, 10/11, 16/11, 15/12 i 13/13) i koja je licencirana Rješenjem Ministarstva za obrazovanje, nauku, kulturu i sport Zeničko-dobojskog kantona o ispunjavanju uvjeta za obavljanje djelatnosti visokog obrazovanja, broj 10-38-32538-1/05 od 28.11.2005. godine.

Nakon toga je Ministarstvo za obrazovanje, nauku, kulturu i sport Zeničko-dobojskog kantona Agenciji za razvoj visokog obrazovanja i osiguranje kvaliteta u Banja Luci, dana 29.01.2014. godine, uputilo prijedlog broj: 10-38-852-1/14., za imenovanje Komisije za ocjenjivanje i reviziju kvaliteta i davanje preporuka o akreditaciji Univerziteta u Zenici.

Postupajući po prijedlogu, Agencija za razvoj visokog obrazovanja i osiguranje kvaliteta u Banja Luci je, dana 05.02.2014. godine, Ministarstvu za obrazovanje, nauku, kulturu i sport Zeničko-dobojskog kantona, dostavila **Rješenje o imenovanju Komisije domaćih i međunarodnih stručnjaka za ocjenjivanje i reviziju kvaliteta i davanje preporuke o akreditaciji visokoškolskih ustanova, broj 05-33-1-10/12**, sukladno Odluci o normama kojima se određuju minimalni standardi u području visokog obrazovanja u Bosni i Hercegovini („Službeni glasnik Bosne i Hercegovine“, broj 100/11), Odluci o kriterijima za akreditaciju visokoškolskih ustanova u Bosni i Hercegovini („Službeni glasnik Bosne i Hercegovine“, broj 75/10).

Ovim rješenjem imenovana je komisija u sastavu:

1. **Prof. dr. sc. Dražena Gašpar iz Mostara, predstavnik akademske zajednice u Bosni i Hercegovini, predsjednik,**
2. **Doc. dr. sc. Lejla Turčilo iz Sarajeva, predstavnik akademske zajednice u Bosni i Hercegovini, član,**
3. **Dragan Škrbić iz Sarajeva, predstavnik privrede i prakse, član,**
4. **Jasmina Selimović iz Tuzle, student, član i**
5. **Maria Elisabeth Weber iz Austrije, međunarodni stručnjak, član.**


Imenovana komisija je posjetila JU Univerzitet Zenica u periodu od 04. do 06. juna 2014. godine, te je u tom periodu izvršila postupak eksterne evaluacije i dostavila **izvješće Komisije domaćih i međunarodnih stručnjaka za ocjenjivanje i reviziju kvaliteta i davanje preporuke o akreditaciji Univerziteta u Zenici** Agenciji za razvoj visokog

obrazovanja i osiguranje kvaliteta, Banja Luka. Ministarstvo za obrazovanje, nauku, kulturu i sport Zeničko-dobojskog kantona je dana 23.07.2014. godine uputilo Agenciji za razvoj visokog obrazovanja i osiguranje kvaliteta, Banja Luka Zahtjev za izdavanje Preporuke o akreditaciji Univerziteta u Zenici, broj: 10-38-852-5/14.

Na osnovu člana 49. alineja 5) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“, broj 59/07 i 59/09), u postupku akreditacije visokoškolske ustanove JU „Univerzitet u Zenici“, a po zahtjevu Ministarstva za obrazovanje, nauku, kulturu i sport Zeničko-dobojskog kantona, i na osnovu mišljenja Komisije stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova, direktor Agencije za razvoj visokog obrazovanja i osiguranja kvaliteta je dana 30.07.2014. godine donio **PREPORUKU, broj: 05-33-1-1-13/12**, a prema kojoj se daje **Preporuka o akreditaciji** visokoškolske ustanove „Univerzitet u Zenici“. Naime, na osnovu dostavljenog Mišljenja Komisije stručnjaka koji daju ocjenu i obavljaju reviziju kvaliteta te daju preporuke o akreditaciji visokoškolskih ustanova, Ministarstvo za obrazovanje, nauku, kulturu i sport Zeničko-dobojskog kantona je zaduženo da u predmetnom postupku akreditacije, a u skladu sa važećom zakonskom regulativom, izda Rješenje o akreditaciji, u skladu sa Izvješćem i datom ocjenom Komisije stručnjaka, odnosno navedene preporuke. Ujedno se Ministarstvo za obrazovanje, nauku, kulturu i sport Zeničko-dobojskog kantona obavezuje da Agenciji za razvoj visokog obrazovanja i osiguranja kvaliteta dostavi upravni akt o ishodu akreditacije radi daljnjeg postupanja po članu 49. Okvirnog zakona o visokom obrazovanju u Bosni i Hercegovini.

Naknadne aktivnosti JU „Univerzitet u Zenici“ su definisane članom 20. Pravilnika o akreditaciji visokoškolskih ustanova na području Zeničko-dobojskog kantona.

Imajući u vidu naprijed navedeno činjenično stanje odlučeno je kao u dispozitivu Rješenja.



MINISTAR

Mirko Trifunović

Dostavljeno:

1 x JU „Univerzitet u Zenici“

2 x a/a 01/02/03-03/BŽ